



受祺堂詩卷之十


中南山人荆東李因篤子德著

雪後

脉脉融階卉  
峩峩偃徑枅  
幽蛟中夜起  
宿鷺早雲封  
被禊遲常祭  
謳談聚困農  
坐看簷溜發  
罇酒得從容

早秋齋中卽事二首

小極登山後  
高齋伏枕時  
初寒驕積雨  
萬籟肅晨颺  
桂發何年種  
枅添到日枝  
短籬俱隱秀  
清眺落參差



野障薜蘿外天清霜露中晝眠頻不穩秋病數逾  
工積草叢生黑盆花一徑紅授衣吾未賦分減興  
奚童

七夕

燕婉仍當夕分離動判年關山常塞地河漢復生  
天白露沾時早清砧聽處懸君看征戍急別思各  
悠然

旅興

旅興三秋內佳人一水涯薄雲寒就日疎檻曲藏  
花喙雀喧初雪賓鴻帶遠霞更誰弄羌管聲急能

峰斜

寧武關四首

水退雙闌澗山迴萬堞斜危旌臨赤斥古戍入黃  
花寧武有硃砂嶺黃花山雨雪羗戎幕關河日夜笳戰場何  
處是前路有啼鴉

遞羽紛仍亟籌邊劃易迴蒿深臨射圃月暗總戎

臺時總鎮久撤賞薄誰拚命軍貧不論材背城烽鼓發

秋色萬峰來

戎馬何時息征鴻此月還邊陰生七較協鎮轄七路時缺人

鎮道冷三關地僻風霜早旌移鎖鑰閒暮雲河套

接軍吏莫開顏

尚有關門老扶筇述舊聞

逆成至關總兵周公

諱遇吉同夫人死節有祠宇

盜賊本浮雲閩外酬恩碣

難軍他時倘重過酬酒拜孤墳

### 文殊寺

苔雨迷高樹人烟集晚汀  
寺荒溝洫古山遶薜蘿  
青趺坐從初地高談有外經  
斜陽動河影飲馬接流萍

### 送約生表兄歸里

山日鳴班馬朋觴且在幃  
菊明人却去霜濶雁同

歸轉劇吾廬夢空瞻列岫  
暉北堂憶遊子重話一年違

### 九日

歲晚佳辰屆悲秋首重搔  
暗霜晴不斂寒菊老逾豪  
病骨增新絮離愁瀉濁醪  
故園諸弟在何處賦登高

### 九日席上

坐定風飈歇亭深樹色多  
餽花明代邸終宴劇吳歌  
畫燭霜前出浮雲日暮過  
天涯逢令節不醉復如何

寄懷馬瑞圖

客路班荆日鶯花滿介休封書難一致論別忽三  
秋老託倉公術貧餘季子裘懸壺如有暇日日賦  
登樓

寄懷胡于野二首

未辨如何樹聞君此息機訣藏金石髓秋滿芰荷  
衣萬法無荒歲諸昆總少微久應申契約蹉跌寸  
心違

客老黃花日書傳紫塞風世難工霧豹吾已厭彫  
蟲樹靜流雲薄煙寒落月空異時須顧問真誥在

山中

葵

巨野泛晨飈園葵竟後凋露華融地潤霜色背亭  
遙壁靜分煙靄天寒破寂寥滌場朋酒近邠籥竟  
誰調

盆松

盆松儼成樹旭日透籬間幹已更新序根猶託故  
山雲霄無媿色雨雪有蒼斑石徑且如此柴門何  
日還

生壽子

行年三十六舉汝未云遙歲月寬慈母高曾託  
聖朝秋雲開欲曙塞角壯臨譙子子憐羈旅呱呱  
慰寂寥從畱徐孺榻宛在伯通橋野興渾拚盡佳  
期必見招門懸弧矢得地託藻蘋饒喜附南征雁  
音書故國邀

十月十一日

歲序看來暮羈心逐處更禰祠畱塞俗霜露眇先  
塋水落龍蛇迴惟深蟋蟀鳴連宵通不寐萬感動  
歸情

韓侯嶺二首

傍驛摩霄嶺樹深韓侯祠墓此登臨介山東望悲  
風合汾水南流皎日陰路入趙燕開赤幟時當秦  
楚溯丹心猶思猛士勞雄主野濶雲飛何處尋  
古屋荒林落照催高歌酬酒獨徘徊苔嘗印虎秋  
還蕭柳只啼鴉晚更哀敢謂蕭曹皆有命愁同名  
呂一論才

太史公云假令學道謙讓於漢家勲  
可方周召太公之徒後世血食矣翻

畱血食村翁社不爽明煙過客杯

西河訪朱學士二首

宛在河汾一水涯攀雲恨識史公遲深山節序畱  
三物類纂文明闢四維隨地陰陰高朔氣有星夜

夜字南箕蒲輪丹詔來非遠努力加餐慰所思  
君初起草直明光漢祚將危恨正長但得苟全居  
畎畝寧圖多難有滄桑藏身默注神仙誥盡日恭  
聞翰墨香一刺懷中漸滅久登階淚灑 御書行

庭中懸楔有御  
題守正不阿四字

### 答西河胡洞庭于野兄弟

西有美人汾之阿閒臥秋風種薜蘿雄辨炙轂仍  
不屑掉頭好為白雲歌木落草黃雁南度青山萬  
仞鬱嵯峨我求遺逸如河東雙屐蕭然悲轉蓬杖  
杜歌殘桃實冷不聞唐風得魏風舊年招隱傅巖

下脫畧時賢天地空自此西河有好音胡家兄弟  
何森森迢遞冰雪睢上路苦寒匹馬託同心中夜  
到門呼季子溯洄猶隔水中沚俄頃難弟起迎客  
一燈熒熒照左氏丈夫及壯不封侯自貶刀圭從  
九流對酒肝腸互激瀉人生何必接塵游別久緘  
書出長道橫汾秋色何浩浩寸心千里在團扇人  
與新詩爭窈窕努力君亮執高節幽期異時重藉  
草豈有延陵論世才當途不識披裘老

### 慰牧菴哭令子仲忽

西行霍太山忽得故人書泪痕盈其篋將發更躊

受神堂詩卷一  
踏使者忘所忌蒼皇說龍駒芳桂遽自殞蓋棺三  
旬餘馬上痛失聲書中復何如未能周四角流涕  
與之俱嗟我劉季子苦辛憶其初爰從板蕩來萬  
里將此孤伯鸞易姓名子美拚妻孥震蕩百折魂  
艱危九死途天末有遺恨塞垣殘舊廬幹蠱關嗣  
賢高眠乃吾徒嗚呼生如寄奄去命矣夫殪露故  
易晞蒿里無賢愚之子雖短年令才早自殊著作  
儼成章箕裘良不誣一旦罹此變存亡氣盡徂弱  
息方襁褓諸母總彫枯遠聞季也慟瀕絕而復蘇  
銜哀應自慰兩觀隔江湖

高河曉發

水落高河冷風迴細路分晨光白于月朔氣凜生  
雲野集哀鴻雁原蒐過馬軍更誰翻戎角悲壯滿  
城聞

高河謠

并序

冬日曉發高河鎮

在山西平陽北門外

遇大風聞之

道中內易一字

出門風閉門住閉門不住吹拔樹

船涉里

魏文開國後遙築此河陰霸業盡流水扁舟遺愛



受補堂詩卷十  
七  
深冰雲封古渡臘樹吐前岑定亦有棠碣灘聲何處尋

再經始祖公廟

象魏中天起蒸嘗歷代歸戟門開灑潔秋殿敞明威四裔櫬槍靜三辰貫索微契夔安亮采虞夏並垂衣翠露浮階出晴霞抱檻飛分祧宗汗漫賜沐地光輝揆岳和衷久明良步曲稀村煙凝漠漠砌草發萋萋子姓懷先蔭征途老舊畿重來章服野未忍片雲違

幽風圖詩題賈撫軍初度屏

幽風開國說幽雅八百餘年傳赤社使君開府得此邦邠酒在堂歌在野流火授衣皆有時一日二日公念之流膏播穀春疇滿雨我公田及我私黃鳥睍睍日初旭陌桑初青多好枝載言采采費白日爲製公裳兼文質取狐獻豸復何爲炎葛雲裘傾所出烹葵剝棗歲將晏室處融融天始旦父老相對爭致辭勞來集流比鴻雁幽人戴公歲月長載負朋酒牽羔羊稱彼兕觥躋公堂邠風之圖俛高張祝公萬壽以無疆

贈白制軍懋韓大司馬二首

尚書賜履率封雄壯畧清時倚令公坐闢文昌連  
閣道年追地節轉鴻濛烽銷夜敞三邊戶麥秀春  
生萬馬風莫訝鄉賢皆子舍後車兼託大司空  
關內河山古上游建瓴天半坐防秋中丞四路瞻  
孤節大將前車控八騶長有歌鐘遲戍景不教征  
鼓動軍樓承平自得逍遙撰夢裏飛熊渭水流

畱別葉太守濟水

車旗冉冉動朝暉道路傳君下釣磯閣燭時連青  
杖發賓觴故遶白雲飛梅花犯雪長盈樹柳葢偷  
春漸撲衣無那東征邊馬劇嶽門回首夕陽違

畱別張都使鹿洲

一別蓮峰老歲華歸來風雪帶邊沙客愁俱脫金  
吾舍春興還遲澗水涯時有酒罇開幕景更勞車  
馬出高霞青門莫訝侯非故更欲爲園學種瓜

柬何少叅雲子

水部風流壓二京分藩關陝待澄清烏臺焚草江  
湖出紫閣驅車竹樹明最喜狂歌聞几案頻添野  
屨照簪纓異時宣室終前席不但書傳柱史聲

葉太守葺關中書院成授館羣賢有京兆人

文之刻再奉此作

海內兵深春色殘風雪忽有故鄉看稔聞治術歸  
神爵何意人才起建安高閣靜流霜角苦大屏時  
做翠微寒自從藏却龍門記今日名山許並刊

贈賈撫軍膠侯大司馬

秋色臺門抱日青好音西國見榛苓四關三輔新  
承制清雒洪河舊樹屏靜晝賓僚簪自盍豐年黍  
稷祀惟馨從容報國渾無事不用天山遠勒銘

先寄祺公先生

三關玉鑰近皇畿得向高牙倚霽暉詞客共成流  
寓草茂雲不動自公幃霜前故國傳魚至臘盡雄

邊有雁歸莫對齋裕懷抱膝授餐終不愧緇衣

白制軍授官銜奉詩致慶

時兼率山右

河涓膏流四塞通紫泥遙錫萬年東籌邊每注芙  
蓉露入部還高蟋蟀風久冠旂常追赤舄新加保  
傳逮青宮欣聞作頌盈遐邇更藉嘉謨啓 聖聰

答曾大庭聞三首

橫堞蒼涼落照微故人顛顛出柴扉別深都覺顛  
毛換貧極猶甘薄祿違五岳藏身隨馬首十年經  
世有漁磯不遑細問西歸事行色憐君淚滿衣  
酒泛秦宮悵別時瀉瓶無復辨澠淄朔風空下浮

雲幙南國誰高宿鳥枝將理敝裘凌積雨更貽團  
扇把新詩高堂安穩諸孫健羸馬冰天任所之  
秋聲最是旅人饒夜月迴頭塞北遙雨雪初歸居  
未定風塵遠出晤難招大書頻動占星管時彗星  
屢見  
同學多聞背郭樵咫尺一牀傷契濶消魂何必霸  
陵橋

題楊虛若孺人冊

暫求遺逸傍城隈公路無心幾溯洄並說閨賢敦  
內則誰非人子廢南陔乾坤久失先雞賦里巷羣  
推毓鳳才阡草青青臨夜月幾時褒卹慰泉臺

太乙天高雪巘斜壺儀多帶五陵霞異時猶欲分  
鄉望逋客還能敘世家南鳥自鳴江畔侶北堂時  
茂寢門花哀詞亦可酬高節蓼閣茶燈對莫嗟

答廖劬鎬

暫得長安十日停翻隨城市問林垞應憐暮雪迷  
關樹頗喜高齋掛蜀星戶牖長含華燾紫琴書欲  
度亂峰青愁來最是催驪曲班馬蕭蕭不可聽

呈戴十

時在外舅  
葉太守署

曾望并州雁足音濶懷翻自故園尋幾時花雨催  
朋酌前路霜燈劇去心夜色潛隨西岳轉晨征迴

與朔雲深簫聲欲問秦臺月引領關門玉樹林

晤華州王刺史文韓兼憶西陵諸子

歲暮孤城朔氣吹臨觴忽喜對褰帷  
坵壇吳越存無幾風雪乾坤起  
傍誰別路雞聲橋外度寒宵馬  
耳月中垂更憐僕僕歸塵急  
岳樹難教曳屨隨

答韓二溥其

征人霜雪見歸時路傍南山憶采芝  
未信高歌叅晉乘還求遺矩正邠詩  
向來交契存無幾吾子園塵過  
自私去促不遑重握別好將瑤草寄相思

呈鄧明府

還家一夜卽垂鞭近倚朋暉過奉先  
雪盡青疇吹細浪春明粉閣帶疎烟  
離騷詞出三湘客列傳人遊兩漢年  
已醉邑中桑落酒兵厨欲乞阮生塵

別表兄石太守

結髮河山誓所知天高塞遠曠前期  
印心非獨敦中表揮涕長能脫路岐  
五馬行春南海濶三關負米朔風遲  
于今漸老情難遣不覺淒然念別離

再答葉太守

旦日裝成過郡門還勞尺素問寒溫  
清暉自我推羣從曲讌於今到別樽  
共矢名山無溢語方知國

士有殊恩何時遂築依劉社南雅西京座上論

答王伯佐從遊

岳路遙連漢時平王生束髮早知名自云欲上傳  
經閣相許同舉出塞旌戍鼓寒催歸夢斷邊霜暮  
點鬢華明疏山導海原吾事况有尊人縞帶聲

集湛公精舍

外家村郭倚招提重過林公已杖藜步履多年留  
想像圖書到眼助悽迷當門雨蝕槐根出遶徑霜  
垂菊樹低竟日諸賢歡對酒不堪迴首暮雲西

墓在寺西

寄沈逢溪先生

繫馬青門日暮暉蓬茅愁遣片雲歸亦知高士逢  
迎拙何論旁人視聽違最苦邊風吹五柳將攀客  
宿挂三微刪經正雅年來意忍使耆儒過從稀

再過朱學士滄起先生二首

太乙高暉觸序遷西河重闢授經年側聞禮樂歸  
先進兼蓄圖書啓後賢賓豆每盈恩賜几日華時  
出御爐烟何由遂着登山屐卻假春風一扣禪  
瞻岳人知霍太山漫隨崇替憶朝班蒲團靜迓溪  
雲落草閣晴吟谷鳥還學到中孚通物候霜繁正

受補學詩卷十  
月念時艱受釐何日詢前史惟有汾陽老閉關

又寄朱學士二十韻

客路河汾劇高山憶采薇上公常老健吾道嗣聲  
徽雨雪巖棲穩雲霞帝夢違牛車投別業雁帛滿  
禪扉呈塿三車度離城萬事稀秘書供杖几宸翰  
接庭闈半世甘茹藥先朝早賜扉傳經青火見給  
三頭歸海岳遙尊齒乾坤此息機冥按真諦得  
頓悟幻緣非結想多遐構畱賓或近圻自憐行役  
苴時冷讀書幃落日空回睇辰霜每薦腓羈愁隨  
隴月雅頌本王畿卜築承相引張帆去若飛焚魚  
名益著辟穀遜仍肥野宿連東井鄰躔遶少微征  
輪徐轉磧敝橐爛生輝暫飽伊蒲饌遲招舊史旂  
起居上春酒眷壽正同依

壽亭林先生二十韻

海內求遺逸如君氣獨豪名成即位晚地接少微  
高已往紆孤憤相逢遽二毛征途霜露浹歲事豆  
籩勞夕宿惟瞻斗晨征遂渡濠荒宮歌黍稷列廟  
達焄蒿入世仍嘉遜同時仰勁操尚懷遊岳志不  
問過江艘道路隨緇帙乾坤到綵毫丁年無曠日  
乙夜有然膏竟豎三吳幟旁垂兩漢濤經邦籌利

疾好古博風騷負版懷天塹班荆憫塞壕亂離途  
迴別居處淚長韜暑雨畱深苑宵燈對濁醪披颺  
同束帶兢爽各舒袍隱德初吟橘冰盤歛餽桃幾  
人同炯炯天下久滔滔晚暮聲華盛滄桑寵命遭  
紵衣如許獻堪比呂虔刀

送馮恒山侍御之荆西少叅任

姬轍之東失王覲以風易雅風斯吝薄海殷憂半  
注荆中原好會同歸晉緬自文襄闢霸略當年狐  
趙聞高論帶礪兼期汾水深旂常不忝太行峻琅  
琅麟筆託周魯奕奕鴻猷分正閏我來寥濶求唐

風蟋蟀淒涼不可問奚有美人馮直指二千餘  
與代郡射策早傳白虎通起家遂握銅龍印楊荀  
邈爾纘前步賈董悠然垂大訓方謂金甌咫尺逢  
更煩白簡從容進帝曰疇咨爾太史明光未必窮  
其蘊繩愆糾謬資卿才折檻碎衣効丹蓋三吳北  
向已攢舸二月東巡還落震

馮巡漕後  
又按山左

請告暫因

白髮歸匡時終爲蒼生奮何知轡轆長安陌驟雨  
浮雲難自信冠等業褒柏府綸外屏旋借荆西鎮  
實惟士論先繡斧故取邦華靖炎燼飛輓能銷庚  
癸呼作霖遽使埏垓潤遺大投艱始縱翮盤根錯



節應游刃直從霜露賦兼葭遙履敦牂追困敦揚  
旌渾比雁門似閱武縱空魚麗陣風高日澹驪駒  
鳴恥出尋常懸橐鑿賢哲許國無內外要當致君  
如堯舜

寄石崑圃表兄

飛蓋黔南處處兵海山遙對部星明豈惟羊傅安  
疆場兼信吳公表漢京孝謹能傳萬石譜循良足  
冠五溪聲歸來讀禮哀無次却感封書問北征

寄何叅藩

臨別臺門緩落暉霜天立馬忽沾衣已叨臺醕增

行廩兼藉牙符出舊畿東部星移河鯉至北原風  
濶野鴻歸更傳公讌燒春燭佳夕屏歌款少微

寄朱學士滄起先生

迴車流怨太行塵爲傍西河一問津隔代春秋瞻  
御筆中原饑溺走同人閭前致禮猶藩魏庶下爲  
傭且去秦向過堂端披史冊從公欣覩舊絲綸

上有先皇御製守正  
不阿字並示所撰制誥

清晏堂梅花二首

室撫冰巖入屏移玉樹開羣葩猶草昧一氣自昭  
回戶牖朔風轉江山春色來隴雲愁望濶啼鳥莫

頻催

物候他鄉易年光衆卉看披帷親雨雪遶榻見琅玕  
霽景留霜笛微芬落露盤終晨吾自省忍使白華寒

遙題黃鶴樓

仙人磯上舊樓臺亂後雙城望忽開更有朱甍凌  
斤起仍看黃鶴渡江來門高吳蜀紆雄畧地瀉湖  
山起雋才萬里扁舟如到手春風漢樹一徘徊

長至前二日同右吉翁山陪曹秋岳先生宿

雁門關卽事四十韻拈玉樹凋傷楓樹林

之句分凋字

使者歸旌近雲州去路遙部間催歷馬關下緩星  
輶折簡俱相及披裘各見招佳人蒙夙契勝友得

聯鑣野涸派溪水

派音孤水名

風深荻斤橋荒陴依戰

伐晚景媚漁樵漸蹴雙厓底平臨萬仞標羊腸盤  
紫塞鵠卵挿青霄日暮冰霜積年豐伏臘調人家  
留戍壘供帳設山椒惜別寒溫畧哀時比興饒安  
危寧異想駕馭不同條天眷垂西顧民生脫大僚

時新推秦晉總制非人

翻疑開府節只數侍中貂甸國奚芳

藹江雲竟寂寥

先移浙督後改

掄才噎此地授鉞憶先朝

水旱紛猶昨，兵戈鬱未銷。廟謨多慘淡，公等尚風  
飈。事豈和衷得，恩將使過要。輿情違坦坦，物論付  
囂囂。半壁功誰就，諸羌覺自挑。祁連猶舉火，瀚海  
未通潮。治化同緣木，乘除比夢蕉。薄言秦鐵駟，遺  
恨漢嫖姚。時西塞有疆事撫跡懷難盡，更端客重邀。壺觴  
移短榻，檠戟壯寒宵。地隘霜行騎，山高響麗譙。聞  
詩矜越絕，藉草出江瑤。靜覺微薰轉，頻添畫燭燒。  
醉來吟不次，辭去臥無聊。素志蹉跎失，朱顏積漸  
凋。空餘餐菊蕊，悔不學松喬。已任顛毛換，遑論髀  
肉消。異方甘蠖伏，吾道總萍漂。隔屋分旗鼓，開牕  
逼斗杓。健兒村外宿，飢虎夜深驕。奔陸迴長馭，和  
羲近蓼蕭。臨岐愁偃蹇，後約待清韶。執手晨光發，  
登車驟雪飄。他年煩太史，永紀雁門朝。

小至雪中同翁山自雁門旋郡

谷口千盤雪，尋溪遶澗灣。荒雞寒在樹，猛虎夜投  
關。草滑輪蹄阻，冰深羽旆閑。明朝春信及，虜發望  
空山。

長至二首

雪色晨朝霽，寒光朔漠生。乾坤開萬族，節序數孤  
城。納稼農歌晚，聯鑣獵騎輕。閣東梅幾樹，消渴比

金莖

已有寧家使能無改歲儲經時懷往路至日見來  
書剝復蒼生極推遷紫塞初瞻雲到西顛孰與美  
人如

應州呈傅刺史二首

雄邊杲杲帶朝暎尺劍蕭蕭出雁門歲暮牛羊猶  
滿壑時平雞犬自依邨常山舊接雲中樹灑水新  
開代北屯爲憶邦君敦夙好已拚永夕倒清罇  
孤城回首傍寒帷鳳井招攜輿頗隨客路不容秋  
色緩朋車應望好音遲黃沙遠抱三韓幹赤磧難  
尋六代碑屬國朝宗瞻舊闕西巡不待岳門移  
善哉行詠穗兩岐美曹觀察之政也

赤沙皆山黃沙爲田一作二停風雨時愆稅畝有  
常民力多艱相彼哀鴻弗集于垣膏澤是敷騏駘  
如雲布五千緡蠲租一年德音滂沛令如流泉朝  
行南陌鬱何芊芊昔歲哺糜終晨苦饑撫茲溫飽  
麥稔兩岐羞我華黍穀我泰階來格來同百福之  
基

又

甘露未爲瑞神爵曷云祥川岳儻效珍黍稌生馨

香北遊過雲中寒日慘不光朔風勁如矢吹我征  
衣裳側聞洊饑後否泰相低昂監司揭陽春用意  
滌繁霜四序方孔洽干城爲降康念彼嘉禾篇民  
勞安可忘

東翁山

南池霽日靜含風碧嶂初開柳漸融地阻關河畱  
伍舉天遲琴瑟慰梁鴻暮雲萬里江湖外春草孤  
城雨雪中已見吹簫虛幌合還疑陟岵太行同

雁門除夕同兩舅氏表兄守歲

舊里陶潛徑殊方杜甫家羣居逢骨肉萬感集年

華關岳頻移纛羗戎未款笳旅牀寒不寐搔首待

明霞

元日

歲在疆圍協洽

客久瞻新序年增憶舊聞詩書容老學草野戀同

羣水泮江東鯉

是日得亭林信

天高塞北雲

久不得石生消息同陳使

君有懷

春懷相對發一藉柏觴醺

正月初六日雪

春光半旬過詰旦雪霏霏獨立心同徹長吟興不  
違寒葩如競爽候鴈莫辭歸客裡愁行邁關河望  
積輝

受祺堂詩卷十一  
東倪飛卿二首

積夢湖山濶逢君意頗長  
看花饒旅興飲客至空囊  
錦瑟寒疑雪羅幃澹觸香  
風流千載後顧曲有周郎

不遇安期子蹉跎鬢已華  
隨緣觀博奕翫世得龍蛇  
塞樹含新霽春燈逼暮霞  
願遊秦戲水攜手釣魚楂

受祺堂詩卷之十一

中南山人荆東李因篤子德著

效大雅文王之體賦祺公先生初度七首

南山孔邇春日載陽於維君子德音其明自貽哲  
命以保王家克旬克宣其美孔都

瞻彼南山春雲纚纚袞衣在堂侯樹屏之以樹屏  
之以公旅是庇眷茲多士四國亦庇

庇及四國孔懷胥淑其儀不遠德修有覺有覺德  
行令聞不忘奕奕來御辟公之光

憲憲辟公維嘉賓所止咸告其心凡今多士今之

多士秉德不易豈無遐心靡不思服

靡思不服受命自天敬承無斁爭致其身致魚匪  
淵致鳥匪木士之方來維君之故

維君之故聿懷好音孰先孰後朋盍其簪維士有  
本末潛修弗替薄言歸止各從爾類

從爾有類山川效之公其好我周行以導之有酒  
盈缶有肴盈豆式燕且歌君子萬壽

送王瑤客二首

紅雲屬目歎蹉跎偶得烏衣慰薜蘿時向平原驅  
塞馬自調錦瑟佐吳歌蘭滋九畹春飈細雪散千

林霽景多咫尺花前流覽及晨風夙駕意如何

翩翩曹椽起南州把酒臨岐亂客愁已許逢年皆  
知勇誰云濟世必公侯關榆遠帶盤弧發幕燭寒

催玉笛流兩漢才名推擇盡嚴津足老舊羊裘

贈哲祥刺史太夫人

向觀都水傳圖畫杳難齊閣範瞻恒表邦風歷代  
西跨鳧曾一訣歸鶴不雙棲舊恨湘靈度新恩塞  
月題和丸時近膽茹蓼竟如萋令子垂章服雄邊  
秉介圭珍瑤調七進繡紱舞斑迷憶昨趨長道因  
聲過大隄白華真自得青鳥許同稽濁世希耆耆

受補堂詩卷十一  
深閨有杖藜悅筵春露迴朋酒暮雲躋稍待鶯花  
合關苔送馬蹄

示方仲

高山採芝客及爾慰飄蓬野足三春水關來二月  
鴻慶雲延早樹清響媚新桐願取蘭臯雪長滋蕙  
帶風

送秋岳先生

齋捧

甫見還州騎遙聞出塞裝皇華承大典使節起殊  
方角轉關陰濶風來岳路長霓旌飄野戍碧柳發  
天鄉玉帛諸侯禮笙鏞左掖光九霄瞻鵠立三殿

萃鷓行燎徹春初霽鐘鳴夜未央悒悒賓座接冉  
冉御爐香大享登華黍都人慰隰桑朋簪時自盍  
拜賜鬱相望舊蹟浮雲共新恩湛露將感懷違瘠  
土回首憶殘疆俗慘無豐歉邊高正雪霜屯田何  
代問戰壁幾年荒薄海供飛輓長城遶屬羗吏疲  
功令密民散版圖張北陸新更序東郊早降康漢  
農須徧德幽酒乃躋堂祝頌尋常有安危咫尺防  
君行勤入告不獨賦長楊

蔚蘿呈傅刺史時兼攝此州四首

馬上桃花客春風昨渡關垂裳思漢邸卜築問恒



山雪盡長堤麗雲生遠戍閒憑君加拂拭倚劍一  
開顏

請郡聞疇昔兼城識塞垣部謳三路迴朋酒萬家  
繁時公舊治鉅鹿申州  
維揚之士皆在座閉閣時棲鷺循陔只種萱

于今交黨接母壽在中原

慣出雲中道邊霜老傲裘斤鶯驚朔漠津樹逼皇  
州日暖昨歌動川平牧笛流更懷千尺塔乘暇賦  
登樓

頗喜晴郊色東來野興長歸鴻安落影啁雀慶新  
疆古壁追秦帝雄圖仰趙襄自公雖五日應不廢

甘棠

喜王大令毓青世兄生子

毓青文端公孫  
吾邑明府公子

文端希世姿皎若雲中鶴六翮翔天表光輝振林  
薄申許旣同時德音俱丕作至尊一垂衣宰執皆  
藏鏐中書疎舊輔萬事在臺閣嗚呼諫儲章銳意  
甘丘壑獨立四十年傳家無遺橐趨庭瞻象賢敝  
邑翁清廓公孫邁前訓苦節追茹藿起今天南陲  
殘疆成柄鑿海畔阻歸舟涼飈捲鳴籥一官不庇  
饑老入江淮幕乞彼升斗潤救茲轍魚涸頭白還  
故鄉箕裘憫零落含悲向同人撫事中懷惡先公

多令德未得紹家學改歲攝提貞徵蘭諸夙約方  
在襁褓間偉然瞻頭角入叩相君祠蘋蘩欣有託  
它時奮竹帛世史光山岳

贈彭進士哲人彭高祖向爲白水令客秋西  
行得入名宦詩以美之四首

避地吾安適東征得蔚蘿將求秦壁壘不辨代山  
河塞北羗戎近天南鼓角多清商寒舊曲爲子一

高歌

客裡聞聲藉春來把臂初壯遊夸季子多病惜相  
如暖日鶯新至微風柳半舒郡君甫投轄歸路莫

躊躇

汝拜先公邑曾畱故國關烝嘗分白水僕馬徧青  
山學拙才名滯時危出處艱亂餘荒祖德相對鬢

毛斑

藥裹愁難問濠梁興不齊漁燈邊外少獵吹水間  
迷夙願垂名岳朋罇阻大隄還期投別賦早過雁  
門西

答杜二蒼舒

河山風高阻釣綸隔年書札悵離津長教五岳畱  
羈旅偶得雙魚報故人蕙草未寒焦穫月桃花空

劇杜陵春幾時卻逐青驄去罇酒狂歌託後塵

夏日清晏堂小集二首

地敞移清蔭簷高蔽暑暉悠悠關樹發袞袞塞塵  
飛一勺沾行潦羣公滯采薇中原雲漢曲半在釣  
魚磯

日對時艱劇誰論旅興孤藥欄春自瀉松籟坐同  
蘇冰雪歸涼簟江山啓畫圖時文石作山水臥遊吾意愜  
忘却是征途

呈汪元直

青門逢二妙本是竹林行別後音塵隔春來道路  
長看花重對酒作客共懷鄉得逐扁舟去巖溪興  
不忘

又呈文石

宿昔長安道憐君數過從羣賢方邂逅斗酒亦春  
容忽冷秋關月遙探夏屋椽自今雙屐齒湖海任  
元龍

喜雨

待雨春來迴茲辰始沛然全移三晉色半獲九農  
年砌草延漚聚池花激浪圓故園消息隔搔首暮  
雲邊

挽至真上人

柏林西退院疇昔共經過絕境愁拚飲諸公嘯也  
歌舉簾春磬發倚杖暮雲多不見開山叟題詩帳  
薜蘿

同帝臣公履憩子洪謁漢前將軍廟

閣峭拔雲起槐高落翠新大風吹舊壁宗國對斯

人水驛斜趨潞山城忽滙秦兩君皆秦人征鞍沾細雨

一洗馬蹄塵

表兄田民部陞福建督學

司農新報最授簡出明光陸海二秋色圖書萬里

裝越仍求漢紀聞已載周疆聖學遙相視經村萃  
未央褰帷尊節振藻肅王章露白江雲迴天清  
驛樹長舊京推縞帶南國過甘棠盡攬榛苓什遙  
瞻棫樸芳賓鴻歸此後朔鯉溯何方倘有懷予曲  
春風好寄將

再送表兄出都

水落風迴黯去津秋清霜白度征輪堂堂久識田  
京兆濟濟爭推漢使臣邸月漸隨星旆發樓船遙  
望玉書新海濱自昔稱文獻爲購遺經報故人  
送我實舅氏從表兄督學公之聞

客罇重接帝城邊行李飄零憶舊年露濯瓜棚畱  
代馬霜清水驛散江船早鴻坐見他鄉至秋月遙  
從故國圓萬里加餐須努力提攜自有仲容賢

喜鼎甫先生自司農即拜主客大夫

好音天上至流靄發高春每念年勞合新瞻御氣  
濃容臺題漢柱典屬託秦封萬國車書賁三春玉  
帛逢臨郊權委積倚闕會芙蓉德自彰柔遠威兼  
高折衝到時畱屢譯歸路息嚴烽竟致恩輝著長  
教拜舞恭泥箋頒戚黨草榻粲晨鐘欲復羸糧去  
應須問禮從羈懷開朔漠別恨慰秋冬憶附蓬麻  
晚曾吟葛藟重外家紛奠雁先子共乘龍劍佩相  
欽接箕裘自顧慵清門依舍邸永日得從容案疊  
宗臣傳簾侵閣道峰高曾垂步伐海岳敘敦庸輯  
瑞皇輿起披圖絕徼供羽階寧數日天保正如裕  
願協先朝矩仍爲大秩宗

寄何山陰其人

作客風霜老慣經吾侯虛館慰飄零暮雲西抱河  
沙白秋色東連塞樹青時見彈琴開野嶂故須驅  
馬上寒星落英早釀看山酒迢遞賓觴倚翠屏

九日清晏堂同諸子作得清字堂字

雁門起歸雁霜後下關城令節每難合醇醪須盡  
傾屏臨秋榭爽曲寫暮山清詰日雲中去愁聞征

馬鳴

時已霜降

使君行有日

時陳使君裁缺將歸

諸子遠懷鄉聚集復何地

笙歌猶此堂雲來西北紫菊自塞垣黃預苦晨風  
急天涯別路長

傅應州席上喜晤閻古古先生二首

北斗壺漿晚南箕劍履新地高霜漸重天濶雁初  
賓老眼驚離合狂歌慰苦辛灑陽賢刺史畱榻待  
遺民

木落鐘聲近幃寒燭氣流美人寧易得班馬欲重  
畱月緩黃花夜天分縞帶秋中原多戰鼓逸興在  
邊州

太原別傅郡丞藩臣三首

入代惟拚飲歸秦始束裝客途楊柳落官舍菊花  
黃虎渡聞新政驪歌遠故鄉塵襟須一解此夕奉  
琳瑯

漸出橫汾上遙臨太霍低依風遶塞馬帶漏促晨  
雞朔土愁冰雪西征問鼓鼙長天新置戍候火萬  
峰齊

蘭杜初遙集車旗欲暫分誰能論邊事勿復考星  
文鴈啄諸屯柳笳吹絕漢雲三關兵馬地轉餉正

須君

時傳將移代  
州治糧儲

祁縣東王梧音大令四首時予攜家自雁門

歸

漢史循良傳如君豈易求九農開吏業三物轉皇  
猷舅犯宗臣里昭餘沃野秋絃歌盈耳得及見此  
風流

彼美懷王郭潛期與二東滄洲多築隱白社久飄  
蓬文獻羹墻內園林節序中茲遊初念愜宛爾對

羣公

王季安郭宛委東雲  
駒雲雛俱華州人

杜甫攜妻子孫卿戀酒杯新從荒塞至遠爲故人  
來落日賓鴻合涼風去馬催岳蓮何處是乘興一  
登臺

早戍連風雨秋城似畫圖忽陳青玉案徐點紫駝  
酥露林沾新醞盤飧飽衆雛况聞戴安道高臥亦

吾徒

戴仲  
祁人

安邑過趙大令講村兼問六茹起居

徙倚寒林霜漸濃看花却到夏遺封春畱陽月遙  
聞鴈地接中條喜種枌鹵渚久連三輔躬嘉禾新

起萬家春聞君頗洽青藜客不必膺門峻似龍

解州別刺史

春風曾憩五原棠五馬如雲起解梁座對河山罇  
易綠筵開冰雪菊猶黃北征已任塵裘冷西去遑  
論驛路長欲展別懷應盡夜驪歌遙入首山陽  
雪中過金湯先生草堂喜次郎正始補弟子

員用蒼舒別駕韻

仲子巖廊器初通博士家相期矜晚節獨喜粲晨  
葩市得逃秦墅天垂訪戴花娛君羔雁入足老故  
侯瓜

贈孫二謚生前督師公子

無衣未敢賦秦風感興懷交寂寞同忽自故園逢  
勝友遙瞻遺烈泣先公棠陰徧載諸屯樹桂醕空  
陳百戰叢頗喜外臺能庀客脂車徐遣鳳毛東

送母姨夫朱公之海門任

冰橋初泮起征蓬沸雪開樽半畝宮四牡銜恩歸  
嶺外雙鳧如舄渡江東津亭早柳迎年碧水國春  
花到日紅守令漢家風格遠循良多在建元中

易公出語錄有贈用何大玉其韻

支許風流邁所思倦途舍此亦安之空花寒帶蒼



烟色獨鶴春留白雪姿興至每能垂妙諦愁來時  
復見新詩虎溪明月長松道爲愛陶潛醉不辭

送表兄崑圃之楚時予亦將出關

春雪霏霏柳色黃送君正月下鄖襄長風破浪還  
千里匹馬傳經且四方邦教比鄰爭託蔭使帷南  
國爛生光最憐慈母俱頭白歸路無沾海岳霜

張太淑人挽詩四首

匹練青門起哀歌渭水南臨風攀朔祭秣馬望春  
嵐野濶垂婺婺天長失襖含關河堪信宿不敢復  
停驂

昔作尚書配名家萬族師騎箕曾不待斷杼復何  
辭北斗冠簪接西陲駟職資只今傳閣教諄切大  
歸時

祿及承歡久恩叨扈從深几筵開累夜簫鼓動悲  
吟置絮寒疑雪揚旗劇若林何煩咳黍詠自洽廟  
宮心

屢過金吾舍徽音次第徵母儀交黨合門閤里人  
稱紫幄陳蘭蒞珠煥雜燎燈更須旋櫬日重理素  
車乘

王四青巖索子詩作此寄之

自昔桃源曲孤高世罕聞春風吹錦帶忽向五陵  
雲細雨花微解疎燈酒共醺北歸判車馬回首惜  
離羣

梁幼春太翁七十詩

舊史尊黃髮高山見紫芝世家懷彼美明德足吾  
師日求豐岐路天畱畢散姿落花圖自出春草興  
同時几杖銜恩下笙歌罄夜滋慶雲延子舍霜籜  
庇孫枝表冠諸公日裘宜五絨絲比年光罔命他  
日續函詩已擅庭闈齒長迎步屨慈鄉鄰瞻斗極  
岳牧待疇咨攬揆知無限承歡總在斯於今天下

父萬里萃明卮

送子經懸壺池陽兼寄兩城兄弟

三月清河曲桃花暖正開流鶯啼不住已過石橋  
來劇飲懷諸子能詩有令才君將仙掌露好泛上  
池杯

哭五舅雨我先生二首

客傍湘花冷歸連岳樹長高歌攜錦帶縱飲易雕  
梁蘋藻初聯屬圖書畧喪亡終憐赴蒿里咫尺是  
他鄉

朝日旌竿出悲風總帳斜斂愁看粉黛垂老問丹

砂賓客稀新壠聲容減故家渭陽情不薄臨墓一  
長嗟

過元直村居二首

樹隱柴門逼村荒版築停寒春臨野水老友遘晨  
星隴日娟娟白林烟漠漠青諸郎擁岐路繫馬向  
郊垆

去國十年別懷人三徑遲鶯花違遠夢雞黍悵前  
期檄冷陳琳草書畱郭璞碑客觴能不竭斟酌醉  
東籬

哭杜二蒼舒姻家二十韻

渭北聯鑣晚荆西藉草多何人工緩帶得子勵狂  
歌短巷輪蹄集清秋劍履過締歡恒在此灑淚復  
如何薜芷懷初服鸞凰仰舊柯

杜祖母  
出秦藩

徽音三黨

賁湛露百年和託蔭無凡種掄才試乙科趨庭嘗  
捧檄上酒輒鳴珂白雪推先步朱顏竟後酖曳裾  
畱幕府飛楫渡江河謀野交相企名山志不磨裝  
成臨粵嶠賦罷接湘娥絕域初安壘中原已臥戈  
結廬身感激通籍事蹉跎服食終難據岐黃每易  
訛吹箎悲急管倚玉媿滄波

杜兒坦  
子婿

緬想盟車笠

殷勤附薦蘿死生同逐電日月迅拋梭細帙容披

草帷堂欲種荷存孤諸弟力老眼慰婆娑

呈侯七少文

客從好時來雲滿慈我路洪川相逶迤峻巘自迴  
互晨鵲鳴前林寒花發幽樹臨水一褰裳中流仍  
卻步鬱鬱懷舊歡遙遙感佳晤浩蕩無他適沈吟  
惟子故豐醴亦已陳清歌縱橫度割鮮競飛霞和  
乳凝垂露密坐忘冬威欵觴倏日暮氣靜何可攀  
談深不能去驪駒劇歸塗白月森積素相將皓首  
心情比金石固

柬侯昆池守備

城闔雪後漢隄清閉閣開樽晚照輕竹爆堦除供  
乳瀝花分盤豆薦霜英傳家自秘西臺草報國能  
分左較兵晝漏已沈淹客去臨岐轉見故人情

子實齋中賦二十韻志別

自取郊原別難將客路通關河驅暮雨僕馬戀春  
風過塞愁無次登山興不窮持裝何瑟瑟罷酒復  
匆匆遠去滹沱左徐如泰岱東瑯戈殘野戍茂草  
鞠遺宮托賦要皆失褰裳各自工舊京吾子在高  
唱幾人同皓首期偕隱泥塗媿轉蓬旅懷寒燠潤  
歸旆雪霜蒙粉棟矚新構黃花長故叢沾衣悲老

醜把臂慰兒童勝侶淪亡半歡衢徒倚中榻懸思

宋玉時子楨下榻趙氏以艱去燈燼接梁鴻木天夜至伏讀清歌穩

從憐綵筆雄源流終出夏感激近臨戎子實從驃騎所新歸

亦有征鞍作頻探邸笥空遲回謀獨夜鹵莽謝諸

公報玖矜心賞聞絃賴耳聰倘能超著述終欲就

崆峒

稷山呈父執孟大令溫濱先生

鴻鵠厲毛羽高舉凌蒼旻生平懷五岳蓄軫慕先

民一為諸侯客羈棲向風塵香草日銷歇故園空

復春束裝蕨薇道回首涇渭濱祖德邈無述父行

存幾人孟公廟廟器吾廬稱比鄰憶歸博士籍名

與先子均試宰得巖邑丰姿超等倫安居租調畢

頓使光輝新有邨起農官皇古開艱屯遂移鮮食

災嘉穀蔚然臻曠代接循良先後如傳薪按圖求

播植遙為堯舜臣賤子賦晨征砥躬思依仁東瞻

汾水曲欲發仍逡巡自顧行役久羈懷鬱難伸恐

失趨庭步殊慚題鳳晨嘗聞列侯盟匪但謀乃身

所愛推後嗣聲情亦彬彬驅車事遠遊春風多苦

辛啼鸞坐高樹落花明前津意將稍休沐素心可

具陳叨承規誠及偃僂一書紳

受禱堂詩卷十一  
六  
稷郊卽事再呈孟公

久向關門出河汾一徑東穠花迷曉嶂霽日媚春  
叢帶郭看耕滿前山置戍通淵源幽雅得不獨賦  
秦風

水磴

代州西郊

近郭林塘好尋聲倚澗隈落霞連遠樹寒日浸叢  
苔暗激風輪轉高翻雪浪迴晚涼鷗鷺浴看慣不  
相猜

冬夕集尚友齋

塞菊爭歸幕盆魚薄斂冰緩觴滋永夜羣奕撼疎  
燈醉遣羈愁盡寒催戍角增不須江上雪來往興  
堪乘

送楊鄂州樞部使安南十二韻

左掖催裝日南郊待命秋邊夫奮師武疆事託懷  
柔閱閱從人見賢勞獨汝優宣威推壯畧息戰表  
嘉猷袞繡尊榮備笙歌宴接稠飛航輕萬里叱馭  
過三洲霽景沿途濶蒸雲觸暑流嶺南遙繫馬江  
上幾登樓檄待相如作楂無博望浮羣疑當自定  
細故不相求覆幬要荒合車書海岳修明年歸畫  
省特進慰同遊

送張彥若歸西湖

武林好山水湖上憶垂綸安得弄輕楫放歌楊柳  
春繫船何處路揮手去時津黃鵠秋風裡相思寄  
白蘋

夏日芝麓先生招同伯紫翁山諸君夜飲西

園別後追憶前遊奉寄五十韻

舊國躬耕子迷途旅食年攀雲寒倚代被褐老遊  
燕邂逅朋簪盍蒼茫谷律遷昂琴空復碎墨突不  
更燃士論歸淝水畋車比渭川政成湯沐得人與  
薜蘿傳散帙滋佳興催歌罷獨眠微風將進酒烈

日暫揮絃汎愛存疎豁幽期許接聯寵行朝獲命  
酬別暮張筵遂倒宗臣屣親施野客瓊低回趨右  
榻鹵莽愧諸賢墅濶炎輝悶簾深爽氣延舉觴霑  
急雨題柱識雄篇翠竹重霄出紅蕖一色鮮鳴蜩  
藏嘒嘒宿鷺託娟娟蔗滑甘無似梅新摘可憐晚  
晴窺錦幕餘溜灑香烟故濯高蟾厲徐從列宿妍  
塵埃清玉塵蠟炬肅金蓮側聆中台畧旁詢絕域  
躔地猶隆將帥時未息戈鋌歲賜股常廩州圖減  
備員披枝根本及拯溺澮溝先屢變今仍爾丕承  
古有焉頗宜師簡靜兼欲破拘攣宴答何由悉榮

受和堂詩卷二  
六  
枯莫具宣長衢嘶塞馬滿篋耀吳牋觸暑愁裝遠  
衝泥任屐穿通儒多削跡直道罕隨肩縱日平原  
左沾襟渤海前滄桑畱故事麥黍問遺阡邱樹摧  
爲壁村春冽入泉遣懷增徙倚消渴致迤邐忽降  
空階露頻疑早樹蟬旅牀涼易覺征橐敝相緣暮  
景河梁滯羈思漢時牽鼓鞞驚伏枕冰雪遠垂鞭  
作客尊羹却還家土銜懸蓬蒿難久臥羽旆只孤  
拳築障烽臺迴吹蘆牧豎連荒垣申夙契夕靄戀  
遙天東望西山麓春辭夏屋邊笙簧交未冷縞紵  
慕逾堅在野甘常分瞻京亦偶然溪苓隨處發隴  
月幾回圓每憶登華省曾勞下市塵將求方外藥  
薄治美陽田粟里時拚醉桃源昨覓船公如憫寥  
落應不廢周旋

夏日過紀高士伯紫齋中畱飲同翁山三十

韻

紫陌連宮樹清波繞御渠偶拚炎日飲閒適故人  
居對客衣新着經時髮未梳微雲生遠榭美蔭託  
空除頓使清狂倍偏宜獻酢疎得朋猶夙約高興  
亦吾廬水近流颺換沙明落翠虛碧滋承細草丹  
萼冒鮮菓暑淨罇壘未涼分枕簟餘莎雞飛恹惚



幕燕語躊躇竹下堪時剖筐中已判儲調冰溶乳  
 酪衰露走江疏坐歎風前靜愁吟醉後攄物情紛  
 可見吾道復何如慶匪彈冠日方須碎穀書衰顏  
 惟感舊薄俗競移初屢睹中台圻懸疑壯畧舒德  
 音翻自阻嘉會幾連茹漢節移關塞秦綱委吏胥  
 未窮東蹈笈時予將有山左之役猶滯北征車倦翮羣相誚  
 孤芬世所祛鼓笳迷斷壘榛莽弔遺墟執友多逃  
 物狂歌並起予談深飛鳥度酒罷夕陽徐去住瞻  
 空濶行藏信拮据壯懷嗟已矣羈邸賦歸歟在野  
 甘垂釣為園欲荷鋤豈無春卉發遙及暮霞噓詰

且仍驅馬臨岐漫濕裾頻尺素應得到樵漁

寄懷大司馬芝麓先生十首

夙有濠梁賦新探碣石宮春輝難自及野望忽相  
 通喬木深留景高臺靜御風每多湯沐賜經國嘯  
 歌中  
 衛叔王司寇匡衡憲大夫當年傳慎罰薄海頌嘉  
 謨列署洞陰迴中宵蠟炬孤至今焚草第帷幄擁  
 冰壺

讀史下黃髮如公竟黑頭鼎彝初近御鳴鶴遠橫  
 秋舞麗羣苗舸煙疎九塞樓帝鄉羈旅客長歎每

無愁

已接非熊座仍餘式燕杯江雲行劍舄省月傍蓬萊撫瑟清商緩懷人白露催更將前席意謀野問龍媒

世倚安危久身兼節制遙風雷迴秘殿竹帛在層霄野峻嫺稱兕邊夫競射鵬中書先有約獨紀令公朝

左掖含香後西池稅竹時白華明子舍青靄媚孫枝客追求聲約人歌旣醉詩未能厭幽興關岳寫相思

白日五湖情風塵滯此行長衢春鳥換大陸夏林清谷口耕誰得關門隱未成微公愜懷抱那與盡平生

尚憶朝參簡曾無退食喧阮徐才並妙伊呂望彌

尊雨送珠琴急香浮象簟溫翻疑新月皎盛夏接

江村

舊年同伯紫翁  
山雨中集公宅

屢見諸侯士還從萬里歸乾坤存故舊草木共光輝旨酒勞相憶賓鴻數不違別深寒燠改終日首蓬飛

浩蕩中樞契艱艱故國身萬方清鼓角三徑託裕

受祺堂詩卷十二  
三  
筠翠滿燕山路寒生易水津欲來觀振旅辭去學

垂綸

受祺堂詩卷之十二

中南山人荆東李因篤子德著

六月三日送翁山先生歸南海四十韻

憶聽驪歌急秋風起雁門傳書驚去住執手判寒  
溫暫繫長衢馬時聯永日蹲羈懷頻不愜往事許  
重論使節紛皆罷賓筵嬾自存邊禽無定羽塞草  
各殊痕稍喜游聲濶深防佩劍昏客途誰穩坐徂  
暑爾長奔海畔將趨母山中舊有村三閭荆子姓  
五族漢王孫井稅先朝澤文章絕域恩取家仍出  
塞圖徙正如鯤旅食愁妻子征衣雜蕙蓀坵壇曾

並席蒲葦莫移根自惜狂吟悞相期  
令德敦啟廬懷夙雅嘉樹記同捫  
北渡窺龍嶺南枝託虎賁好  
迹雖在眼溫清欲消魂遠踐平  
城戎重經廣武屯新詩滿閭闔  
執友佐饗殮水斤寒通邸桐陰  
翠入軒炎飈吹解榻驟雨落傾  
盆不肖追隨共群賢晤對繁滄  
浪終有待桃李竟何言世難今  
方亟君才衆所尊半生甘放廢  
他日任飛翻岳路愁來迴江濤  
夢裡喧空囊憐趙壹枉駕過陳  
蕃久客塵襟敞將歸旅興煩鹿  
車須對挽珠掌定高騫旆發瞻  
秋月裝成破曉暎徘徊辭大漠  
唱歎出中原到取時清蔭歡畱  
歲暮暄中厨持淑女綵服領諸  
昆地靜宜叢竹堂高好種萱避  
人少辭賦隨俗察雞豚豈乏彈  
琴侶應爲抱甕園慶雲多近谷  
奇鳥不歸樊行役遑論夏西南  
利得坤羅浮堅臥足莫更問桃  
源

同翁山懷思益病居二首

有客問飄泊如君良獨難病中時  
見道賓至必成歡雨濯藤根淨  
風吹竹徑寒佳兒分課畢努力一  
加餐

誰廣絕交論汝爲貧士詩白華畱  
霽景黃雀戀高

枝契濶懷春日艱難入塞時漫泉多美醞重得慰  
相思

登代州白人巖因飲孫園十四首

卽遠公初入道處

忽有看山約將拚出塞時芰荷新上水楊柳欲垂  
絲別圃容相問平林信所之漸來幽興愜遙與翠  
微期

萬仞懸孤嶂雙厓劃一門  
村雨走空天角松藏老石根危梯攀古洞彷彿說  
桃源

石棧盤空曲陂陀歷幾灣峰迴蒼靄至雨過白雲  
還瀑色空諸想苔陰靜客顏漫遊多寓目羣屐未  
教閒

丈室何時構悠然對遠公  
宮壁擁三關戍山和四月風且疑烟霧底隨手接  
飛鴻

舊史青蓮長宗風久絕倫猶傳南渡偈遂冷北山  
春六代如觀奕千秋此問津相看陶許輩翻是後  
來人

無著開山後披襟有碧峰戒壇出花雨碁墅制神  
龍共坐一拳石孤生千仞松御空吾在此天半識

遺蹤

巖有巨石相傳遠  
公與龍神奕處

只覺前厓好何人並結廬  
驚巖光倚薄香閣靜含  
虛法境清涼外人烟戰  
伐餘因聲寄蓮社吾志在

山居

恣眼羈懷放登高浩氣增  
日星更蕩滌今古一憑  
陵木託經春鳥谿寒入  
夏冰坐移起長嘯多藉酒  
如澗

峭壑臨應得晴疇望欲迷  
醉無丹障險行與紫霄  
齊勾注屏誰畫滹沱帶可攜  
山深桃李合終古自  
無蹊

頓使形骸細還思嶽瀆豪  
谷風吹日暖關樹入雲  
高避俗求佳藥藏身付濁  
醪誰知行役耳竟日抱

松濤

暫集石林下頻叨新汲泉  
鹿眠嘉蔭足虹起夕陽  
鮮久客甘從衆狂歌怕碍  
禪惟應取書籍築室上  
方邊

鬱鬱辭初地絲絲過別岑  
興隨風詠逸歸踐薜蘿  
深嶺角樵更負山梁雉擇  
陰躊躇城北路獨感鹿  
門心

曲榭通官道幽尋去復來  
故交連下榻良友共銜

杯隔澗蜻蜓過扶籬芍藥開遊仙非易得馬上正  
徘徊

亦惜名園別難爲覺城畱平生耽野趣風好散邊  
州徑起河橋轉烟生隰黍秋詰晨征旆急何處仲  
宣樓

賦得故衣誰當補

故衣誰當補他鄉難久居日對賢主人將言復嗟  
吁彫飾雖細故夸修亦何愚奇服相炫耀異哉楚  
三閭

梁木天補安肅奉東五首時予客保州

老臥陪京道新占列宿文卷懷餘泛愛發興有同  
羣古戍攀秋月長天隔暮雲除書頻在手一仗晚

蘭醺

絃誦畱南國梁先爲江都令橐鞬領大邦謂尊人總戎君醉從公

讌遠歌指麗姝降白露遙通野青楓舊倚江日來  
鳧舄跡猶向帝城雙

左輔才誰健南箕用久虛似君仍宦達懷古慰蕭  
疎酒劇蒹葭後礎寒鼓角餘異時瞻叱撥應過寓  
公廬

自闢中台路誰高左掖名邑令內擢久不行近始復舊時方勤

受補堂詩卷三  
茂宰地復邇  
神京旆轉雲霄合風驅駟馱輕肯

要皇甫去郊郭問新耕

下馬長林霽開罇落日斜裝須連暮雪到及種春花易水清無滓郎山燦若霞北征久顛顛天際望仙楂

昌平憶守陵侍郎朱公

朱子同里人

禾黍望軍都春沙帶碧蕪尾箕先正地

宋卒于此

弓劍

歷朝途宿宇清乾嶽前旌撼鼎湖彤毫須令子不遣客魂孤

夏日過德州程水部正夫招飲卽席贈詩次

韻奉答

平原四望水爲邦萬艇南來接大江永日避人耽野釣炎天畱客倒清缸却懷良友愁無似旋賦新詩老未降愛汝竹林眠頗適鳴雞不上早朝牕

時寧

人先生繫濟南未去

早

經天占太白望雨畏怕風出納無前著安危若轉蓬魚藏荷苻末雀飲桔槔中壠畔頻回首淹旬落燒同

張孺人挽詩兼唁木天三首



淒淒霜露滿孤城蕙草先摧鴉自鳴粉旒畫旛秋  
在眼珠琴羅袂暮無聲披圖誤識中宵面伏枕遙  
憐故國情不擬返魂悲絕術依然華表坐調笙  
落葉鳴砧不可聞江長塞老恨平分中年哀樂催  
蓬鬢絕境炎寒瀉練裙野澗易沈關路月風高難  
駐楚山雲危樓百尺吹簫罷獨立蒼涼弔夕曛  
馴雉經年讀法稀援琴忽感雉朝飛陶潛彭澤風  
流遠潘岳河陽心事違旅邸珮環畱夢在關山冰  
雪伴魂歸虛房彼美珊珊立寂寞空愁明月輝

霍州除夕

踐霍嘗年事今來守歲除隔鄰通夕燎呼僕與盤  
蔬角壯河聲入城高斗勢舒故園已千里終夜獨  
躊躇

元日靈石道中

歲在屠維作噩

客路霍山外鄉心汾水涯輕裝逢歲逼短髮伴春  
遲斥堠明漁火亭空斂戎旗征輪何處駐獨與濁  
醪斯

陳謫公招飲卽柬二首

遠託雲州契徐開易水樽深廬安背市稚子學應  
門夜妥狂飈息春融短矩溫綺牕須鳳侶纖手作

盤餐

席罷人初定更深醉不辭  
欵觴聞後約聯詞誦新  
詩月傍丹青起香畱碧露滋  
四郊轉明媚攀接任  
吾之

清明

北野逢寒食西山戀采薇  
駿奔陵邑近齋宿墓田  
違地託蒼松在天畱皂帽歸  
畿雲連隴月兩處淚  
同揮

題武曾弟灌園圖

誰家別構倚江濱薄采春蘭  
向日曛十畝未荒烟

雨色雙洲時見桔槔羣叢階  
苦竹交紅樹哺子慈

烏下白雲我亦北征違  
諗母艱難深媿戶曹文

鈍翁作灌園記

表兄約生以畫松壽母姨夫  
鼎甫先生屬予

題句

似見蒼厓上誰移彩棟中  
摩霄寒溜雨傍石儼生  
風靜晝徐棲鶴佳人舊步  
嵩君求廊廟具在野歲  
華同

舊年寧人先生以無妄繫濟南走書報我觸  
暑馳視苦疾作辭還先生寄贈行三十韻

詩春日晤保州重會薊門奉答前詩廣五

十韻

臥病三秋色懷人五岳情涼颼吹夢起啄雀喚愁

生客返關中路書傳歷下城客秋有鄉人至自濟南拜先生書倒

衣初罷枕垂涕復沾纓巷伯詩難讀梁園獄已平

長吟歸黯淡別緒鬱縱橫憶折前津柳同炊古寺

羹前年與先生同客慈仁寺予先別去有孚謀且室無角兆先成遠

道蒹葭隔周行坎窞并莒萊矜野語虞芮亂囂聲

訟起因小人奪先生田歛權江波大潛揚海汶輕時訟牘株累多人用

已結海上事羣疑紛所出眾口漫多驚智勇微夫子艱

危詎此行奮身甘下吏微服恥為氓易象繇斯昉

騷歌比類明經句喧地坂舉國丐天晴時地震淫雨節

至通蘋藻先生在難不廢時祭愁來憶弟兄曾要肝膽契况

黍雪霜盟草第虛炎月雲高隱暮旌罷呼燕市酒

遄決薊門程戎角迷丹嶂河陰護綠蘅崩堤頻淖

馬廢塢剩聞鶯水旱憂兼劇誅求慘自鳴時道多流亡別

自有詩此邦哀瑣尾何室厭香橙觸日難俱述驚時

已漸更馳聞瀛隰盡頗喜岱嵐迎膏沐誰遑理壺

殮欲就傾畏途晨上謁羈邸夜班荆續燭探行笥

聯牀敞外楹年華窮不減日錄老逾精先生時成日知錄若

千恨失登山約嗟為抱甕貞徘徊違魯賻劉六茹新故未

能往邂逅合秦箏鄉人閭天木以事滯山左閣彷彿滄溟峻泉憐

躑突清躑突泉東有白雪樓狂濤終砥柱直道益崢嶸旅食

悲寒及歸舟阻潦盈依然垂橐去率爾采薪嬰左

次才彌拙西還意若醒貧非荒竹徑渴豈慕金莖

急難睽良友端居惕遠征寸心如濩落中夜幾屏

營自得分魚素空教怨鹿苹川原仍獨往伏臘互

相衡甫定他鄉榻俄從上日觥先生以二月朔至好音隨

杖屨佳會足公卿律轉堅冰解春迴早卉榮斂才

期近物逃俗勵修名忽復追鞭弭還來過帝京每

詢邨邑樹誰薦寢園櫻時在清明進履耽逢石將詩悚

報瓊雍田關華好為耦待躬耕時先生與無異有華山卜築之約

聞咸寧王升耳明府訃

每歎積薪在胡為騎鶴還憂勞才自達閱歷政相

傳夕月空三輔春風失萬年向多陪飲眺遙灑淚

潺湲

家書至却寄舍弟三首

汝病逢初可吾裝忽遠行過時書不到長夜夢多

驚淚漬秦雲合愁添冀樹橫他鄉遠慈母負米代躬耕

忽有雙魚至遙憑一鴈看久貧憎藥直佳節強春  
盤種柳陰初茂培渠水未乾辛勤都責汝努力自  
加餐

大吏俱高臥西戎久晏然如期三月雨不失次農  
田聞此情未愜能吟事亦賢草堂宜勉就音信欲  
頻傳

寄漢姪

漢爾將羣弟年來始授書離家成久隔學句好誰  
如院北移篁後齋東種桂初寢門時省視王母莫  
教疎

隼荔摩雲翼駒憐汗血容少時觀汝志他日亢吾  
宗綵服春來展蔬盤客到供也知書數字消息過  
盧龍

憶長女

生爾如昨日八年看至今薜蘿嫺在野刀尺坐相  
尋繞膝聞班誡因風想謝吟天涯搔鬢髮豈爲雪  
霜侵

憶次女

愛女愁爲別衰顏鬱未開含飴偏注汝哺弄日千

迴曉雪披襟見春雲隱几來班彪視兒女早有大  
家才

### 憶壽子

壽子尤彊幹渠翁只遠方冶裝人共許頭角日相  
望乳燕勤雙翮征鴻漸一行回頭關路迴忽復歲  
華長

### 遣悶

禿穎愁堪把鮮酥濫及脣文章誠小技飲啄愧高  
人臥數紅蕖日吟寒白社春遇杯聊復醉疎嬾任  
吾真

### 撥悶

偶立疎篁外微吟獨樹邊日浮滄海動雲起太行  
連出處貧難愜風塵老自憐栖栖一魚蠹觸類負  
皇天

### 王五山史緘芥片至却寄三十韻

渭水魚竿日商山芝草春幽期拚絕境夙好信斯  
人邂逅鮮虞外踟躕北谷濱

定州古鮮虞北谷恒水所出予舊年秋於

此遇五班荆酬契濶發篋照沈淪

王出新作中有哀亾友石生之

語鴈避青榆冷蟬揚白露新獨歸瞻隴月明發送

京塵惜別仍禁淚飄囊未覺輦柴門團暮靄菊徑

瀉秋雯眼畔羌烽息年來吏術醇薄知築場圃何  
敢廢枿筠究苦征裘遽空悲旅食頻辛盤疎故國  
綵勝隔佳辰輦樹重連邸邛花各愴神五噫吾漫  
寄三物子初陳屢引中丞幕曾聯大令紳新城宰王之猶  
子雪霜班馬客旌旆擁離津旅病誰兼晤同心豈  
易伸倦遊迷所適高臥忽經旬尺素天邊剖筐莖  
雨後臻蘊蒸渾欲去消渴轉相親石乳清無敵江  
煙杳絕倫探泉儲冽水活火致勞薪已愜狂歌興  
翻滋執友貧德音終愛惜賓竈必逡巡醉逐懷思  
減愁於去住均漢儒多萃闕周史暫趨秦定有登  
樓賦徐看待席珍攀雲期奉母望嶽許爲鄰時借無異  
山房曉仗時吹角涼風儻憶尊初龍潛勿用羽翼莫  
教馴

鼎甫先生鈔春秋意林見寄奉酬十二韻

攬鏡悲華髮開緘感素臣風隨一天闕迴日轉夏  
衢頻芭葉熏彌厲枒虬鬱未馴摩空高鳥及適野  
片雲新偃蹇從吾道驅馳愧此身猶懷投轄夜歛  
有授書晨去路寒愁客離筵醉閱春歌猶徵朔馬  
節已傍筵賓只抱原思病應移孟母鄰遺經荒漢  
塚老淚託騷人坐惜瑤編贈難將玉案陳長吟酬

令德努力問前津

答沈司馬元錫見寄用來韻

長途樹色引春煙蓄軫畿西節屢遷  
眼底知交多去國懷中書札動經年  
風迴杏實青初聚雨過榴花赤欲然  
寂寞休文甘謝病西征幕府領羣賢  
答文二黃庭用來韻時同元錫人甘撫幕

漢上趨庭始盡歡辭家何日渡臯蘭  
黃河故遶孤城出白雪時飛六月寒  
劍珮繽紛畱客易關山迢遞寄書難  
故林無恙柴扉好期汝遺經靜處看

再答黃庭

老向燕南旅食初故人消息杳吾廬  
三春忽有北來雁萬里遙傳西上魚  
易水悲歌頻載酒金臺憑弔久迴車  
卽逢楊監憐頭白樗散無心賦子虛

又憶次女

掌上明珠笑語初踰年不見獨躊躇  
踏花深燕乳春窓靜大母惟中學誦書

雨

四月卽山雨沿城麥始華高齋寒竹桂  
遠水縱龍蛇忽咽風前角微聞野外笳  
羈愁清不減徒倚在天涯



東城下見新麥作二首

隴首朝來霽輕風拂浪新鳴鷗飛自喜語燕幕相鄰榆柳孤城色桑麻六鎮春保定地皆圈占誰憐過遺老感慨獨沾巾

歸裝  
鯁頰還如此高田比異鄉夢隨青草變愁與白雲長井稅煩供給音書遠寄將幽歌天下好指日就

對鏡二首

客瘦從人覺朝來始自驚嘯歌虛少壯筋力負平生鵲傍初暉起花分遠榭明因風河嶽外寄語異

鄉情

絕境炎霜候先朝耒耜民祗應遊鹿豕未許畫麒麟野送浮雲色天遲苦竹春鬢毛吾愧汝衰颯竟誰陳

酬程五周量二首

契濶瞻京日淹栖度夏時避囂拚獨臥謀醉復何之老樹清陰足空階晚溜滋還容分泌草別後慰相思

夙昔傾程蓋乾坤判楚才

時屈翁山寓程宅

迷方良夜雨

薄祿故人杯旅舍逢湯沐離宮入草萊前秋合歡

扇一傍月明開

周量賦二詩秋  
日書扇見寄

浴

五月初爲浴孤雲澹若無竹寒池上影  
裕隱月中  
株散帶板河漢臨風憶舞雩颯然高枕  
得清籟北  
窓殊

石左函表弟舉賢書

郎山春樹鬱重重送子輕車上北雍  
旅邑別來滋  
過鯉晴光到日冠初格貌貅夜撤天門  
衛劍珮晨  
高御苑鐘北接村烟同自出攤書種柳  
舊相從

王四青巖舉北雍賢書其猶子亦領關中鄉

薦

慈岷佳氣接函關灑酒臨岐雪滿山  
一上公車瞻  
帝里爭傳綵筆動朝班趨承三物銅龍  
下盼望孤  
雲玉井間小阮况能聯健翮高堂應爲  
破愁顏

贈新城宰王伯貞兼畱別三首

試宰畱畿縣當歌憶故園數承綦履合  
曾解紵衣  
溫闈屋初分命雲霄已拜恩看花秋色  
裏桃李正

盈門

時鄉試  
分房

里社竟何日吾交多此邦尺餘天際五  
鳧到日邊  
雙錦瑟銷銀炬清罇倒玉缸畿南暴風  
雨盡入灌

壇降

地帶關河濶人推布素豪

謂令叔無異

烏衣東國舊玉

樹阼階高岳路懷池館春風見節旄寒深歸馬急

別賦落亭臯

別張公子振六

徙倚東亭歌授餐窓虛積翠走雕闌青罇坐嘯兼  
三益錦帶風流接二難歸望羽書秋日靜別愁關  
嶽暮雲寒臨觴却憶樊川菊那得晴郊並馬看

母姨夫鼎甫先生擢川西觀察二首

霜深朔野滯歸人忽把泥書發興新落木三秋依

殿陞浮雲萬里接峨岷車旗直轉青溟色斧鉞重  
開白帝春自有雄辭楊馬在無令吉甫杳前塵  
淹留即署跡蕭然日欵朋車劇饌烟入蜀歲華延  
四世來秦旌節憶三遷花明玉壘關烽息雁過鹽  
州牧笛連那得輕舟就嚴武江村更賦草堂篇

菊

朔野歸來日黃花蔚跂時晨霜揮茂草宿露養深  
枝節序增留滯河山託夢思有懷頻不歇幽意滿  
籬茨

寓保州聞父執孟公有稷山致政還里

聞說陶公散帶歸故園秋色澹凝輝徑花閒采長  
盈掬溪柳新栽已數圍座上塤箎聽自好階前蘭  
桂忍相違興來搔首東臯上太華晴雲點翠微

歸過雲中懷秋岳先生

塞草寒猶發春泉去不移鼎鐘孤嶽在風雨十城  
知朔磧開樽遠江樓對奕遲幾時除蔣徑親看采

陶籬

清商篇贈汪二開美

汪徽人  
寓鳳翔

陶公不解律乃蓄無絃琴興來輒取弄濁酒時自  
斟曠世同予懷逢君亦素心臨風操清商數變含

悲歆壯如風霆俱微如渠畧吟廣如萬幕騎幽如  
清秋礧繹如江海波餘如金石深涼颺蕭高籟白  
日開積陰潛蛟遽辭壑矯鶴胡在林四座屢俯仰  
孤城迴蕭森良久撫佳製路邦垂好音藏趺皆古  
玉飾篆出兼金 帝子及全盛分藩當盍簪緬然  
游藝日親勒大荒箴揭來四十載戎馬日相尋王  
室生禾黍神州哀陸沈簠簋無從睹緗絃忽至今  
銜觴對落景灑涕盈衣襟我生旣遲暮慷慨非所  
任願汝寶斯曲知希君子欽

贈于二密菴二首

于金壇人  
謫關中

數雨將鴻急微霜縱菊開受塵那老戍畱客強同  
杯逆旅吹簫日江山乞食才宗邦初邂逅各抱黍  
離哀

夙好多淪喪高賢得放流葛衣曾逮雪蒿徑久宜  
秋屢過寒溫簡深談意氣浮忘情飽蔬食更喜接  
羊求

時諸子在座

答張都使夜集見贈得儒字

白日戎車靜青罇野興符賦詩存夙好分米共窮  
途霜榭花初發風霄雁正呼依劉自吾道此席盛  
文儒

除夕

歲在屠維作噩

守歲得歸人臨觴語笑新庭燎光畫棟砌雪斂叢  
筠老是高山客歡逢故國春幾回驚別緒團坐待  
明晨

此夕賦得四十明朝是

每抱無聞懼誰爲強仕時詰晨何鹵莽終夜幾愁  
咨縱飲從村醖狂呼謂族師鄉居有真趣斗酒莫  
相辭

元日

歲在上章闡茂

客子他鄉至春風故國來曉山清積雪初日暖生

梅峇拜煩諸弟驅愁仗此杯辛盤兒女共喜傍北  
堂開

送張侍御赴補還朝

嶽林春曉雪霏霏驄馬東來迅若飛薄海爭傳封  
事去端門久待繡衣歸鸞鳴閭闔瞻天表虎拜雲  
霄集禁闈擬向漢庭詢故實亭輪今復有光輝

送母姨夫南僉事之任威茂四十韻

旅拜川西節初傳冀北鴻安危排吏議保障出宸  
衷夙望諸曹選新恩絕域通趨朝人歷歷授簡事  
匆匆宦轍移傾蓋年勞付轉蓬遷瀛惟拙養筮柳

自孤忠客敘清苗略天畱弭塞功度支張國執文  
物彙臺風典屬周官古賓門漢制隆禁闈嚴鼓角  
仙掖迴梧桐柱表爲郎篆星馳出牧驄平時存杖  
杜吉日罷車攻載道蹲壘集寧家劍珮雄采蘩親  
薦廟衣袞類從東第宅晴光裏園林返照中歡娛  
春再得契濶歲相蒙積雪浮涇渭流雲點華嵩祖  
筵紛在野前部健臨戎露冕頭猶黑塞帷色正紅  
輕輶開石棧畫旆拂霜穹舊武承邊及長才喻蜀  
同千盤凌鳥道萬里入蠶叢久冷庸羗燧高聯井  
鬼宮峽嵐熏几席湖樹碧簾櫳瀑落搖寒練橋垂

引霽虹要須朋座滿莫放酒杯空攬勝圖新發

時

丹青汪子

登樓賦獨工好懷頻詠絮佳夢必占熊

公攜愛女以

行尚待徵蘭賤子敦行葦他鄉慰草蟲周旋華省

乏包括旅途窮納手援知契披襟託始終泥書堪  
共把旅病欲全融醴憶堂端沃琴矜爨下聰論交  
應皓首寵邁以微躬頗覺蠻歌艷兼聞益黍豐藻  
思當錦水豪飲羨郵筒使詔旬宣合吟箋篋笥充  
秋城江澹蕩夕閣雨微濛玉壘今歸馬鹽山昔桂  
弓繞溪如有作爲頌浣花翁

送汪文石入蜀

汪生磊落八尺身敝裘羸馬西之秦學書學劍頗  
快意一朝脫去如輕塵畫師馳譽滿燕雲獨寫長  
條迴入神商谷桃源俱曠代忽從開卷接先民我  
聞繪事六朝上張吳手蹟存遺障古皇神后儘多  
姿碧水青山寧一狀後來傳習漸失本不書人物  
書煙浪朱微粉薄須臾間徒令有識悲淪喪太原  
舊識傅巖老六十采薇顏色好嘗云爲我做滄洲  
大作丹青展懷抱汪生贈別有新帙能致此翁緩  
佳稿憶對晴光宿潁川三日成之猶草草南陳北  
崔名久齊停筆不下爭端倪性僻林泉窮海嶽交

受祺堂詩卷十一  
三  
忘簪笏愛鹽齏毫端勁氣生突兀雪霜須汝伴幽  
棲安得森羅追大雅所思濃淡洗時蹊渭水使君  
文獻家容臺題柱益豪華座中客多寡見許汪生  
每出聞長嗟三春初把瞿塘節萬里同登灩澦檣  
蜀道江山總奇勝更爲壯士吐雲霞

受祺堂詩卷之十三

中南山人荆東李因篤子德著

春日里門與朱太史兼述所懷

岳路春風起關門霽色鮮村醪寒自狎里社鬱相  
連觸景幽居滯懷人野興牽緬維通戚譜猶及把  
吟箋盛代垂衣日明公弱冠年巖谿多緩步飲射  
總隨肩屢過臨郊墅曾淹在邑廛浩歌存落落佳  
氣接翩翩袞紱寧資蔭雲霄果象賢疾馳金馬右  
高領石渠巔諗母情何極迎歡例亦全來彰經國  
命出補考工篇壯志彌瀟灑深恩肯棄捐移窺雙



掖月忽轉六朝天獻納提官序登庸貴宰員含香  
頻宿省仗節遠承邊海域波當息梁園賦已傳使  
車逾趙魏賓座歷幽燕甫贈羈囊縞重披秘笥玄  
他方難屢合此別各悠然強作窮途醉愁餘絕塞  
眠炎飈吹急鯉朔角和哀蟬羽旆江湖歇烟霞里  
巷褰徑花瞻蔚跂池水弄潺湲我亦山中侶家鄰  
澗外田驟歸翻似客高臥欲忘詮獨抱孤栖性誰  
甘薄俗憐爰從聞白雪頗去拊朱絃變啓騷人上  
思追雅什前怨何兼闕寢情乃至嬋娟卒取淳初  
洽渾無藻績愆漢京於古近江左逐時遷世競公  
輸巧天成越女妍憂傷開大曆擺闔露微權最惜  
求聲誤徒滋用智穿放言矜鹵莽偏袒雜神仙撫  
舊推遺法逢君契夙緣地通葭葦素盟踐雪霜堅  
草閣迎朋酒柴扉耀錦鞵款畱容簡畧書札動纏  
緜汎愛交雖衆潛期事必專向詢臨郭壘親拜侍  
郎阡有老貽雄作傾筐索故編詎知巴曲至長傍  
史庭懸擬報慚瓊玖將征問鎧鋌行藏要並愜去  
住且分躔玉樹東階秀星輪北道聯躊躇幾罷往  
感激定遄旋好種平原竹應加故沼蓮圍棋陪太  
傅更得訪溫泉

受神堂詩卷十三  
二月十一日諸公見過草堂詰朝表兄崑圃

太守詩至用韻答之

澗外幽期北郭家羣公乘興訪煙霞  
叢篁已發新年翠霽雪還飛上日花  
汗漫琴書春正好淹畱雞黍夜猶賒  
東莊太守狂吟客一曲先能暖六葭

答石建明表叔仍用前韻

朝來車馬澗西涯結駟重過萬石家  
抱壑野烟生遠樹臨堤春水散平沙  
應門下食風猶古藉草看雲日漸斜  
敢謂清商無和曲還勞白雪繼三巴

答大兄南陽公仍用前韻二首

春山雪後谷雲賒落日朋車粲暮霞  
酒傍鶴鴝觴自協帷分花萼奕相遮  
誰教錦帶閒栽柳不必青門好種瓜  
皓首天親違兩地愁來咫尺是蒹葭  
晴光泛接五陵霞更得新詩長歲華  
獨臥渾忘南道隔同行肯歎北門賒  
冥心時序桃源酒恣眼江湖野客楂

時將南遊

此夜占星成偶聚高陽錯爲比荀

家

南遊答長源表弟送別

暫解征衣歌授餐疎燈垂萼露初溥  
夜深忽峭高樓角風定微生遠樹寒  
萬里江湖侵別酒三春煙

雨判歸鞍吟餘好自除花徑再就高齋醉藥欄

隋田公真紫荆坊

野色眷令裏春風鴻鴈過枯株堪再秀逝水復同  
波故老歡聲及長林屬望多中途憶諸弟不覺自  
高歌

華陰廟

嶽寢開周道春林縱夕陽那從仙掌去長嘯博臺  
傍棟宇仍烜赫關河畧散亾二京違報祀東望一  
沾裳

潼關三首

雲薄關門紫氣長帝樞曾此撼巖疆河經百二開  
天地華枕西南鎖雍梁戍火忽移函谷月征車多  
帶灞亭霜舊京蕭索垂千載飛輓何繇接巨航  
聖祖垂裳西顧深前星已肇翠華心風雷卜鼎渾  
非故朔漢開基遂至今萬里自天提鎖鑰三王同  
日貢球琳終憐戰骨橫嶠左雪暗春遲白草吟

謂秦肅慶不言韓者韓初封開原永樂中始改平涼

旌隼淒淒列塞壕荷戈非復羽林曹榛苓尚覺西  
方近雉堞空連北斗高市泮冰霜春水至山畱壁  
壘野烏號壯懷無據頭將白惆悵臨風拂佩刀

靈寶拜先外伯祖田公去思碑

侍御先朝雋艱難末路逢埋輪光舊史釋褐弔遺  
封雉影摩霄去棠陰傍日濃土人垂淚說碑篆百  
年蹤

土壤有坊題云蘇季子故居

七國雄長在蘇君自絕倫野荒函谷雨山護土壤  
春盜躡中原土壤有帶篋移前路輪蹄滿後塵寧

知東蹈日別有拒秦人

周公廟排律二首

廟在河南  
府城西

邑望岐陽左祠臨雒水涯乾坤愁儉樸制作待光

華負辰身彌瘁營周慮獨賒向今瞻繡衮終古奠  
清笳束帶微風肅塞簾落日斜鐫碑猶大誥過客  
盡長嗟世降文明逮功高禮數加澗灤仍名卜嵩  
華接王車翠竹寒鳴雨蒼松儼着花虎犀馴繪素  
葵奠薦萌芽緬想車書日恭惟雅頌家此生衰未  
敢爲夢仰雲霞

鎬室西瞻久河流北顧遙深心延二代大烈統三  
朝變起風雷及恩融伏伺銷民頑翻後去譯隔更  
同調俎豆於茲秉謳歌自昔饒垂衣蒙舊德露冕  
拭崇標砌合春陰靄蒼虛霽雪飄長廊圖拒鬯老

樹革鷓鴣憶下通天谷徐經抱郭橋有文畱陸海  
遺愛泣漁樵暖託空垣蔭馨聞沃野苗問津倚前  
壑明發更停鑣

河南府夢曹侍郎

見說嘉禾郡司農久退耕江湖孤枕得節序百愁  
生雨斷聞黃鳥春遲悵白蘅馨香滿懷袖肯寄雒  
陽城

詠懷古跡六首

栖遲河雒二京春薄涉江湖萬里身少室有花空  
攬馭高丘無女獨沾巾雪霜愁附搏風翼戎馬驚  
懷入塞塵諸葛臥吟終致主後來功烈逮生民  
漢室文皇興代邸桑乾銅斗是堯封北臨邊塞提  
孤節南御乾坤正六龍疆徼風烟清細柳灞陵雲  
物護喬松雒陽年少君臣際遺恨賡歌咫尺逢  
賈傅風流絕世姿上書流涕爲明時楚江蘭芷悲  
相弔梁苑驂騑失所之緒論累朝開霸王深宮前  
席戀恩私邛山雒水東來道白日青春耀汝辭  
京兆扶風漢闕遮婕妤好門望選才華建章前殿虛  
明月長信深宮鎖暮霞御水流來魚貫少秋風起  
後燕飛斜生憎薄命吟團扇遶砌閒啼萬樹鴉

汾陽遺廟華山傍冕服天畱俎豆鄉百丈枌榆明  
霽色千春鵠鷺少同行臯夔易地心彌苦耿賈盈  
庭力共長極日中原饒戰蹟惟公尺劍掃殘疆

瓜沙迢遞玉門開障塞淒涼畫角哀久戍莫追充  
國議橫行誰復冠軍才戎防漫說長灘迴譯使頻  
聞絕域迴塞下西羌諸部勁秋深東牧過邊來時欲

請大  
草灘

### 黑石頭渡雒水

古道長依雒前津始放船青泥通沃土黑石泛疎  
烟豆粥凌晨具魚肪度地偏御風隨所適江海正  
悠然

### 王公輔嗣談易坊

滿目瞻餘緒談經式舊坊雄才成割裂妙悟得高  
狂宿火沿津永晨鐘帶邑長卦臺終古秘何路一  
升堂

### 周大夫萇公弘墓

地古風猶烈川平雪漸銷石傍生宿杜雲外落寒  
鵬碧託邛山翠清來雒水潮東周何處是指點問  
漁樵

### 周國敬王神道碑

故國經春草前王識寢園世家他日在文獻幾人  
存麥秀哀難及鴻飛跡尚溫南陽臨白水欲問漢  
諸孫

杞縣

澗外循河迹周南識夏封歲時今不改朝聘昔相  
從野漫謳歌入春深畎疇逢近郊有雲氣長繞社  
壇裕

胡家莊阻雨

信宿留茆屋聞雞廢寢興渾忘春雨貴頓覺旅愁  
增塞瑟餘調柱吳歌近采菱倚門候風角明發準

騫騰

泗州

野興耽湖曲羣賢許過遊斤平初試馬谿午共登  
舟碧繞荒堤樹丹深絕巘樓叢苔生漢闕有客涕  
長流

泗州西解齋中卽事呈黃氏兄弟三首

百感蟪城下郊勞有故人晝長成坐嘯春靜惜風  
塵醉把榛苓潤情移駟馭新晚來罷罇酒重設繡  
藤茵

泗水縈襟帶盱山接戶庭花浮晴日紫竹抱翠微

青角射拔鷓鴣行吟傍鶴鳩江籬疎更好莫使障  
林扃

玉樹森相並高齋豁所思三春懷友夜萬里適吳  
時帳幙笙歌合池塘桂杜滋淮南多暮雨別汝去  
安之

過太和縣訪楊振公邑令二首

萬樹遙連楚孤城尚隸吳所知逢茂宰爲政比澄  
湖夜雨罇壘合春風案牘無詰朝頻視鳥多恐化  
雙鳧

共學人誰競吾交汝最賢別深修禊日來及看花  
天白入黃河水青開綠野烟道長歸不滯愁緒一  
茫然

鄴陽謁蕭相國祠

尚識枌榆地會先帶礪盟曉雲迴抱紫春露激揚  
清坐笑驅羣策規模啟二京蕭然徐泗裏撫跡倍  
含情

柳下惠先生故里

士師歸臥久塵土棄三公邑近星辰曲鄉畱伏臘  
中春暉消薄慮夙夜送和風獨對磧亭柳徘徊天  
地空



謁閔子祠

孔堂問車馬夫子但蓬蒿野把蘆花靜門連汶水  
高羣鴻多比翮獨鶴不輕號歎息拂衣者春祠歌  
頌勞

試劍石

魯公初按劍臨石碎狂秦雨後來啼鵲寒生碧草  
春

虞姬墓

美人和歌罷遺墓幾經霜野草春畱舞祠南娛項

王墓草相傳無風自  
動楚王廟在其北

鮑家集

管子南來淮水深魚鹽早起伯圖心當時鮑叔分  
囊處尚有黃鸝送好音

維揚呈鄭樞部澹菴時領權關三首鄭前為  
敝邑明

府

十載高山屐因君識廣陵征裘淹暮雨客馬瘁晨  
燈暖覺黃鸝近晴看綠樹增別來詢酒力江閣倍  
峻嶒

名伯棠猶茂王喬舄未閒斗樞輝漢柱平準借江  
關水長春魚出風平朔鴈還絃歌矜夙愛一為破

愁顏

四野鳴泉合千家畫舫開  
賃春頻過庶思友獨登  
臺未息南天燧須論右掖才  
籌邊前箸急早晚  
璽書來

撥悶

欲問隋堤柳宮雲散白沙  
忍將叢樹月吹入戎樓  
笳曲徑多通邸前湖好泛  
槎乘春須一醉莫使後  
桃花

清明

久客添愁緒清明倍悵然  
逡巡辭薊闕忽復觀江

天萬樹啼鶯裏千航乳燕邊  
蔣山風雨夕誰掃

孝陵田

喜晤陳二建極

寂寞刊江道何緣邁宿遊  
臨風依謝樹竟日把吳  
鉤柳散春深笛桃開水際樓  
濁醪通造化羈客共  
忘愁

贈王公礪

萬仞慈峨色君才許並長  
賢書成弱冠綵服媚高  
堂露浣金壘碧花飛玉珮  
香漢廷須起草驅馬問  
明光

贈程十乘

不睹連城壁新陪照乘珠承權隨杖履散帙對江湖  
館竹晨畱誦谿雲靜入圖賦中傳芍藥年逮陸  
機無

王築夫行樂贊

散坐平隄上芙蓉對灑然避囂時洗耳臨水待揮  
絃似得桃源趣長畱錦帶年何當一把臂醉攬獲  
雲眠

題畫

疎嵐大壑瀉滄溟翠入平沙帶晚汀何處杖藜乘  
興去隔林臺樹萬株青

酬張中翰穉恭送別兼訂秋日西歸用來韻  
邗溝玉樹久凋零忽有高歌醉裏聽巷伯憂讒終  
在雅離騷遠俗自爲經懷鄉月夜江湖白送客春  
天薜荔青已約故園重把袂西風無使怨流萍

贈項城宰習三兄賡青兼述舊九首

別後蒹葭冷春來雨雪繁征雲辭大陸客路走中  
原出處渾多故悲歡莫具論彈琴逢退食靜晝息  
塵喧

白昔垂黃綬懷予賦紫芝江風吹獨往塞月寫相

思弱冠談經日通家拜母時貧交君已貴不忘角  
弓詩

束髮從耆艾締盟總俊髦宿期終在野同學半登  
朝朔土傳魚隔南天過雁遙相看皆老大動色解  
行鑣

萬仞雪中路雙闔天畔城落花頻對酒燒燭共班  
荆竹樹各爲適林泉相與清故人俱好在回首念

嚶鳴

君居同官山城城  
內諸子皆無恙

石徑皆通好藜羹屢過栖停車春澗上載酒月厓  
西霄漢輸新翮裕雲戀舊谿草堂煙雨在他日肯

重題

紫閣秋聲闕青門夜色寒池河曾並采邸菊好誰  
看日月分弦望關河對淼漫但能慰搖落無事說  
彈冠

始作吳江令遙違冀野書杜蘅香不改鴻鵠意何  
如醉眼湖山外安歌宋衛初他鄉無煖席偃仰託

高廬

初任  
涇令

宛轉孤蓬宿蹉跎萬里途江關期秣馬蜀道想飛  
鳧曉障畱青靄春耕悵綠蕪無絲登劍閣禮殿乞

新圖

補內  
江令

受補堂詩卷十三  
十三  
草樹經時易風塵去路長鄉心懸鼓角客淚飽冰  
霜燭暗晨雞苦鐘疎古驛涼屬君矜况瘁攜手憶  
周行

過朱太史鏡波園畱飲答見貽詩用韻

溫泉雨色帶林垌別構憑高得建瓴驟出潛魚凌  
水藻旋來啁雀傍風萍滄池並抱雙厓碧峻閣遙  
分萬壑青竟日栖遲仍卜夜頻然藜火續晨星

七月晦日呈朱太史山輝

東山時伴謝公遊坐對蒹葭白露洲上酒徵歌無  
太劇良宵自有夜珠畱

貽朱長源

天外翔鴻縱所如暫栖高翮向前除世同周召皆  
公望生傍星辰有賜書蕙草偏承嘉客後榴花欲  
媚綵衣初得從行葦論膠漆無使車音永日疎

望嶽

太華三峰列峻屏晴霄飛翠下空漠曉雲東抱關  
河紫秋色西來天地青玉女盆中寒落黛仙人掌  
上接明星亂餘林壑懷遺客縹緲幽棲賦采苓

呈張都使鹿洲

期門侍從九霄推出捍巖疆御氣隨禮樂多時畱

北府烽煙萬里靖西陲  
罇開白露風人幕劍老青  
霜左氏帷說道聞輦思將帥  
如公真可寄安危

醉時歌

贈郭贊  
府九芝

長安饒吹聯日星贊府自公惟談經  
千羣宛馬貂襜褕贊府敝裘走交衢  
久知敷政如陽春况有棠歌動四鄰  
名滿公卿官未調座聞笙瑟客相親  
舊邦遊子褐寬博三旬九食如敗籜  
涼秋枵腹萬年道屢過郭侯同斟酌  
百錢買濁醪雙豆盈新藿坐嘯旣不違  
嬉遊情非薄寒日東籬接暮霞葛巾漉  
酒澆黃花痛飲可以闢天地長饑何論  
栖泥沙屈

原老至空拭袂阮籍途窮未回車  
朝來新購鵝溪絹好手裝成淨若練  
過我索書囊底詩低回流涕被顏面  
回首束髮抱微尚卽今白頭慚衆彥  
悠悠毀譽總相忘眇眇心期誰復見  
世人久已棄姬鼎君獨何爲憐紫電  
引商刻羽多遺音太羹玄酒有深眷  
丈夫要使勒金石雕蟲小技何足羨  
浮雲世路勿復論且倒壺觴歡終宴

呈張都使得溫字

愁來雁鯉未窺門夢裏蓁苓嬾自存  
豈乏榮條滋別墅誰憐積雨閉空村  
郊寒士馬防秋檄部擁笙

受神堂詩卷十三  
歌照夕樽落落南州徐孺子三年一榻許重溫

中秋都使鹿翁署中招飲卽事二首

對月逢新霽開樽是故鄉名園清近水綺席澹如  
霜遠照宣風達高涵樹羽光良宵饒逸興縱飲未  
渠央

始照賓交合頻憐道路違濕雲全脫障長顛倍流  
輝桂託秦宮迴鴻來漢苑飛醇醪寬百慮不醉欲  
何歸

秋雨居青門鹿洲公爲製冬衣內外甚備感  
賦

遊子無所攜出門卽他鄉積雨淹旬朔晨颼率已  
涼絺衣生百結恃此敵寒霜永夜不得寐沈憂煎  
中腸都君敦夙好顧我心內傷綺羅來內署織纈  
一傾筐朝爲歌無衣夕已賦同裳晚霞豁客日刀  
尺鳴鏘鏘長裾落靄出縻帶凌風揚寒溫俄易序  
戶牖自生光往愛閔仲叔清標如琳瑯片肝累安  
邑遐舉天各方自惜久行役還家惟空囊采蘭儉  
子含持水愁賓觴敝裘猶載質儲穀不盈倉兒女  
三四輩叫啼嘗在旁委身兼瑣細懷古增慨慷厚  
顏滋反汗朋執媿同行夙聞金石交相砥日以強

取膠投漆中明德安能忘

題劬鎬新居

昔聞顏氏巷今見廖生廬  
秋雨經旬作晨炊曠日  
虛罷吟看過蟻乘輿貯遊魚  
更喜衝泥徑頻來長者車

贈梁貢九

舊是中即將飄零渭水陰  
種瓜成五色結客散千金  
雨濶蒹葭迴秋寒蟋蟀深  
多君知正字不使碎

囊琴

謂劬鎬

柬郭大金湯

青門懷舊侶對子獨含情  
向午猶高臥經年不入  
城秋來村稻熟雨後徑花明  
勸客持罇酒佳兒立  
自傾

贈田長民刺史

問命畱家祗戎衣出塞垣  
陽秋如有待契濶竟無  
言雨霽皇陂落天高白露繁  
夜來同一醉籬菊綻  
東軒

挽王三玉質先生二首

故人窀穸近蒿里不堪歌  
酒頌成孤往貧交得數  
過岳雲垂素幄秋水咽清波  
令季哀湘手貞珉事



若何

華山東去路揮涕想儀形案疊中丞草門連處士  
星和吟寒白雪染翰失黃庭不得板雙旒臨郊柩  
一停

閱兵美閩使張公

干城濟美識嫖姚大閱因時出渭橋部黍舊兼都  
護帳戎衣親接待中貂雙銜怒馬秋空濶萬幕平  
沙夜寂寥並向秦風夸戲士誰論駟職本 王朝

唐藩鎮歌

唐時藩鎮何紛然范陽起自安祿山慶緒殺之因

自立聖武天成互改元思明中降尋復叛安史相

承並號燕既殺慶緒遂稱帝據位改元爲順天朝

義篡立改顯聖兇渠滅自李懷仙僕固懷恩去

方外引番回同寇唐天厭其惡中途死前功莫贖

徒悲傷江淮都統劉展亂神功斬之亦旋亡張忠

志者燕部人褒降賜名李寶臣擁兵成德抗職貢

天子維岳罪維均比王武俊擊殺之命以恒冀爲

一賁反稱趙王已復去超爲節度嗣士真承宗承

繼作帥表請乃除弘正代庭湊賊賢王氏興子

元逵頗懲艾紹鼎紹懿至景崇鎮符六葉傳王

死叛將張天誼討磔其尸唐莊宗李靈曜窺  
宋陷以都虞侯殺孟鑿討罪猶煩李忠臣刺史  
恩空湛懷仙盧龍節始授朱希彩篡一何驟  
中殺彩推朱泚泚入弟滔知畱後劉怱代滔子  
嗣總逆父兄俱被弑棄官爲僧更何心以張弘  
琦禪其位此後奸竊朱克融無何又聞李載義楊  
誠與史元忠陳行秦後張絳繼仲武允伸公素  
同李茂勳亦懷睥睨或殺或逐而自立跋扈朝廷  
莫能制田承嗣橫魏博間爵殺兵租皆自專姪悅  
承魏僭王號子緒殺而奪之權緒卒季安傳其國

兵使田興洗讒慝請吏奉貢擢節度賜名弘正徙  
成德侯希逸爲軍士逐平盧忽歸李懷玉賜名正  
已傳子納僭稱齊王雄東服師古師道世濟惡劉  
悟殺之相怨毒昭義薛嵩領六州子平歸喪讓其  
叔逐寧實惟裴志清叛潞降魏事反覆梁崇義據  
襄陽起阻兵結援李正已詔李希烈討斬之族父  
忠臣淮西史貪淫失衆爲所驅矯稱都帥奄有此  
建興王僭大楚號改元武成自速死醫醜本出陳  
仙奇降加節度亂未止涇原朱泚罷鎮歸兵變長  
安禍在邇自稱權知六軍事僭號秦漢攻天子改

元應天及天皇韓旻斬之何足齒希烈之將吳少  
誠殺仙奇以報讐名敕畱彰義中又叛少陽元濟  
惡貫盈李愬擒送斬都市蔡人雪夜瞻蕩平李懷  
光授邠寧節破泚解圍功甚烈瀕入竟遭盧杞譖  
天顏咫尺睽朝謁東歸怨望反河中馬燧討之自  
縊滅鎮海李琦亂賊流遣張子良襲宣州却協衆  
謀兵夜入執琦並子懸髑髏劉闢西川求領軍構  
反誅於高崇文夏綏之韓關塞陰全義有甥楊惠  
琳敢以畱後拒李演勒兵終死張承金邠州朱玫  
逼乘輿故燒閣道塞皇衢襄王監國俄稱帝君臣

並殄王行瑜瑜亦犯順兵東走克用討誅傳其首  
鳳翔司馬李昌言追逐鄭畋如拉朽昌符舉火焚  
行宮茂貞斬之亦何有東川節度楊師立違詔舉  
兵心快悒時高仁厚彰天討將吏誅之何嗟及高  
駢淮南老嫗虐狂愚見戕畢師鐸華州韓建親犯  
闕行瑜茂貞兵相錯黨附朱溫竟再徙亂軍殺爾  
等飛藿嗚呼諸鎮反側多荷國之恩甘倒戈朝擁  
勁師夕被戮萬年遺臭可奈何汾陽西平兩忠武  
大名至今垂不磨安得文皇三尺劍盡誅鯨鯢挽  
頽波

受補堂詩卷十三  
三  
秋日雨中張都使招同諸子暨子輝上人集

薦福寺訪元公限韻四首

戒馬煙光細停車雨色滋  
鼓鐘浮淨域松柏翠寒  
枝地接皇陂水秋通白社詩  
昔遊違鬢髮騷屑半  
如絲

故國風塵裏遺宮黍稷間  
攬衣迎朔氣觴酒近南山  
枕簟欣畱野乾坤想閉關  
主人共疎豁良夕未  
應還

市遠歌初放杯深興亦豪  
細霖拚竟日長砌曲隨  
濤漢索郊畿古唐垣篆籀  
高慈恩前路近登覽莫

辭勞

託契耽蘿薜開筵傍石林  
健兒供汛掃佳客到鳴  
琴霧豹三秋候賓鴻萬里  
心城居疎夙約淡日憺

幽襟

時開美  
拊琴

又代

適野連空界臨觴接暮滋  
鐘搖雙塔影柏澹五陵  
枝密座兼宜客清秋各賦  
詩更須騎馬去親攬大  
堤絲

北極風霜後西京桂杜間  
寒雲流古木濕翠斂空  
山遠水碧如鏡滄洲青滿  
關却疑香積飲初自剡

中還

感慨無方集登歌一氣豪虛堂深入雨曲徑飽移  
濤傍戶哀螿劇摩空健翮高幽居有真趣揮灑並  
忘勞

戎火遙依郭村春半在林客來多紫氣吾醉有朱  
琴絡緯孤廊曲蒹葭四野心秋分聯令序好月共  
開襟


又代

城南連宿雨禾黍盡含滋細席此中梵長松何代  
枝滄池侵古屋縞帶接新詩庶下辭鋒鏑偷存命  
若絲

萬壑流雲出巖廊玉露問題詩除畫壁把酒對青  
山地老苔生砌僧寒晝掩關天涯賓主合信宿莫  
言還

塔際層霄接開尊逸興豪歌成聞郢曲水濶泛江  
濤野樹黃沙暗秋風白雁高登臨連夙契罄折肯  
辭勞

積雨催寒劇秋聲老柿林鼓鐘開畫燭山水落網  
琴已得柴桑醉遙憐谷口心幽期從夙好半偈豁  
塵襟



受祿堂詩集

三

